

閩侯縣志卷八十八

孝義下

侯官

唐

陳執中字允之觀察使徐晦以其富於文學辟官幕下丁家艱負土營墓郡守黎植楊發咸薦之終汀州司馬

宋

李宏熙寧八年莆田木蘭陂屢築輒壞宏應詔挾貲七萬緡入莆求地脉定基於木蘭山下溪廣水漫兩山夾峙之中疊石成陂布柱三十二處疏渠導水溉南洋田萬頃歲輸軍儲三萬七千斛廢塘爲田令民耕種得穀二千六百五十餘石工成封惠濟侯卒莆人立廟以祀

明

陳士貢父子敬永樂間以百戶爲福州司庫庫失火燒進御棕毛屑罪當

閩侯縣志

八十八

孝義下

一

死士貢甫弱冠自髡詣郡請代父刑許之遂就逮故人賓客皆白衣送之江上旣發涕泣相弔士貢笑曰士患不得其死士貢今者得死矣受賀不受弔也至京備極楚毒臨決顏色不變其蒼頭焚尸裹骨以歸

張懋領成化庚子鄉薦官河南藩寮年老還鄉里正德間江淮羣盜縱橫懋以俸市藥物數十篋載歸在途其子貨之多得數十金懋驚曰藥物有貴賤此人必誤矣時舟行已二百餘里懋勅子持往還之居家周恤宗人尤厚孫廷器世衡俱登科

黃文會父卒廬墓九梁山中哭聲震林谷有雙鳩巢廬旁共飲食又赤狐每乘夜伴宿正德中詔旌其門

孫炳少孤事母孝謹母疾不離側及卒三年不入內日再蔬粥而已刻木爲像廬墓終喪嘉靖中旌其門

吳時昭字以德嘉靖癸卯舉人知瓊山縣性孝友兄弟五人一門食指數十悉令同堂會食宦橐薄凡婚嫁殯葬咸取給焉晚年與仲兄時欽怡怡

相對家庭雍睦稱爲德門後時欽子萬全令盱眙厚視同堂不異時昭云王應期字懋啟爲諸生家貧舌耕以供二親二親死不克葬殯於先壠旁舍去城稍遠每遇節序除夕必往焚香伏柩作小兒啼達曙乃還柩再遷廬其側晝夜哭不絕聲茹素二十餘年居常有志性學自號未醒子趙璧字希和嘉靖戊午鄉薦撫弱弟奮躬督教之奮後登第官督學以病歸璧親調湯藥奮卒撫二孤過於所生不上春官者十年後於道中聞奮長孤殤悲痛而卒

張天極字于北父領課鐵輸京師死郡人藁葬之天極晝夜號泣徒步至京函父骨貧不能歸適王應時擢江西僉事捐金運柩還葬之終身茹蔬未婚卒

葉廷萃字允升嘉靖癸卯鄉薦積官南京工部郎中兄弟五人廷萃居叔嘗自言曰兄所不欲我者不敢施諸弟弟所不欲我者不敢施諸兄爲官所入俸悉以分給兄弟隨手盡兄弟猶不滿也時非意相加廷萃假貸副

閩侯縣志

八八

孝義下

一一

之晚歲貧約處之泰然卒之日幾無以爲殮

陳繼思字一忠嘉靖間倭寇至鄉人皆走匿繼思以二親老獨侍不去寇憐而舍之家濱江舟遇風覆溺者百餘人繼思悉爲收瘞甲午歲大浸悉散所儲賑給嘗路拾遺金候三日無索者乃捐施貧乏卒年近百歲子學麟別有傳學伊官御史遷副使

曾士廸字惠齋七歲而孤爲諸生時窶甚授徒城中母病日苦壁虱士廸率五日一歸爲母滌溺捕虱已不勝除乃手七虱祝天吞之自是虱絕母病隨愈後以子熙丙貴受封

陳有祐字君吉穎異博洽爲武進毛協恭所知居恒儻負氣節性至孝妻偶以語侵其母卽遣出之母卒哀毀踰節與閩縣孫學稼長樂陳希友徜徉於武夷山中著有續騷若干卷

清

鄭江字若菴有至性母葉病革江割股和羹以進母霍然起後父母歿終

身語及輒流涕遇諱日或展墓哀慟若初喪家塾師劉慶開者妻歿爲撫其孤又里中有周九者重困夫甲父子三人一夕將飲毒江排戶捐金爲力救其死

蔣宣字子祿順治乙未進士授鳳陽令以母老不赴母卒哀慕終身先是宣父爲武平教諭卒於官宣與兄閒關扶喪歸俄兄卒宣授徒以束修養母及嫂士論遘之性高尙於世少所合

鄭鐘字含章少貧勵行每遇親諱辰及展墓日拜泣如同孺慕與二仲白首無閒言課督子孫嚴而有法不喜飲對良辰嘉客輒盡歡有研席交謝聖友困甚以幼女托鐘視如己出長爲嫁之人稱爲盛德君子云

金城字用我家貧嘗拾小鬟所遺金珠於道訪其主歸之隣里重其義少好學能文著有四書崇正註及麟旨新抄

郭基字仙根父煥以孝友聞耿藩逼脅紳士受職基遯跡馬嵐山耿平歸授徒資養康熙戊子膺鄉薦母歿基亦老晝夜作孺子泣嘗捐貲理族人

閩侯縣志

八八

孝義下

二一

某喪且爲育孤女嫁焉任龍溪教諭龍溪士頗負氣不俛就尺度基化以端謹風氣一變獨力修崇聖祠所入俸錢與弟姪均之引疾歸著有墨樓詩集一卷子金鑑字威如閩縣貢生

劉尊殷字思質事祖母嫡母生母嗣母悉得歡心敬憚女兄事之如母家中凡喪葬婚娶輒以自任嘗曰吾於諸兄弟無產可讓忍遺之艱乎垂老手不釋卷哀集古人之雅量遠識與善處人家人父子間者彙其嘉言懿行爲一編以教子孫

林和字玉伯少喜讀書從父奔走行閒遂精騎射康熙丙子武舉鄉試第一會父歿絕意仕進以敦本濟物爲己任建宗祠置祀田修譜牒又經紀本族婚嫁喪葬修橋梁運米平糶以賑饑鄉閭待舉火者數十家課督子孫讀書砥行相繼成名晚年築環碧軒飲酒賦詩其中

陳聲遠字又深親歿哀毀踰節以苦塊致足疾素節儉有告貸者傾囊予以以責任同安訓導與修同安邑志尋乞休父所善友瀋陽路姓沒葬于

閩無子聲遠體父志歲爲拜掃臨終囑其子踵行之子發其字師顏拔貢生通經術以文名一時分纂省志多所考核著有心齋詩集

官莊字則敬有至性幼出爲伯父後事嗣母惟謹本生父繼母就養于兄兄卒因迎養焉母歿戒二子喪葬盡禮勿以分產異視以歲貢授訓導蕭京字正夫號萬輿中年隱於醫號通隱子父某初令慈陽旣遷益州郡丞凡八載歷署十三篆所在多異政京生六歲力能舉五鈞就外傳攻舉子業文思敏而工十六歲遊上庠文益奇旁涉諸子百家尤善書法常言顏平原書一筆千鈞楊椒山筆鈞如鐵歐柳諸字皆力透紙背字以品重不似今之學書者專以嫵媚爲工毫無古人骨氣也至於王敦郗超等雖收入淳化集中不足觀矣顧好以古文詞爲舉業連不得志於有司或勸其由他途以進慨然曰天下方亂吾與魚鳥爲羣耳初從父之任慈陽痛母因不遇良醫病卒旅次因從黃州學官胡慎庵學醫逾年盡得其傳後著軒岐正論一書闡發五運六氣之原推究水火陰陽之奧其大要言醫

閩侯縣志

八八

孝義下

四

人必先醫醫得人病愈止於所醫之人得醫病愈而受醫者已無窮人矣壬申父由遵義郡守乞休時蜀方富饒欲留焉京曰蜀富而民逸忘善禍將作矣曷歸乎從之不三年流寇入蜀向之流寓者盡殪時值閩地大疫隣里間多懼而舍其病者以去京太息曰是等骨肉於行道也不仁亦甚矣因親調藥餌以救之死則助以棺衾其後家人歸見京有愧容丁亥土寇四起圍閩省城六閱月忽得間諜者言城中居民悉賊親族將謀內應巡撫周欲詰戶籍而盡戮外出者之家總兵張應夢者以告京曰此反間計也閩土隘而人多貨殖於外按籍而稽不下數十萬戶口肯皆延頸就戮乎且自古惟有白起項籍殺戮至數十萬然傳聞至今猶受報應將軍豈忍爲之今賊見攻城不得故爲攜貳之言以煽惑兵民將軍惟靜以待援亂自止矣張公悟議遂寢居里中數載以病告者卽徒步往視不啻拯溺救焚也所著有忠孝兩集荆園小語生於明萬曆乙巳年卒於清康熙壬子子一人震

張時聰字爾修順治初伯兄爾良爲賊所執時聰直趨賊巢請以身代俱獲免康熙三年時聰復爲山寇洪某所幽時有張七者良家子爲賊所脅從知時聰孝授以短刀使夜逸曰吾亦從此逝矣並屬沿溪行勿歧出時聰如其言見溪路如線旁皆深澗追者接踵時聰屹立溪中待賊至手刃三人賊退始得還家日下春張七亦至時聰留居三四年爲之昏娶而歸之時聰親歿喪葬畢隱居鶴嶺子一幟康熙丙子武舉人

劉士楷字翼皇父崇登篤疾便結呼號達旦士楷以竹管貯香油吹入復吸而出之父疾尋愈年八十卒

王淇字咸允康熙年間副貢生七歲而孤母趙氏兩目喪明淇侍疾罔懈舐七晝夜日復明少受業於兄事兄如父通周禮左氏性理諸書歲饑斗米千錢知縣某餽米數石辭不受家居教授學者遠近多從之同縣鄧蔚林年十八父歿於宣城蔚林徒步扶柩歸事母盡心色養弟患目疾以舌舐之年餘而目漸明

李思哲字則達少喪父事母及祖母每早起必具衣冠問安否母卒哀毀骨立祖母年七十餘染沈疴思哲夜焚香禱天疾尋愈事諸兄若嚴父未冠文譽日起雍正元年貢生授尤溪教諭飭躬率士一以古人爲法屏一切餽遺負笈者雲集捐貲修學宮明倫堂子玉樹乾隆庚辰舉人

陳三升字允軒雍正間貢生撫姪如子病世俗權厝不葬自言通堪輿學族戚中有營葬地者多贊成之無力者攸助之選安溪學訓導以老辭不赴

張待問字子強祖母劉目失明待問先意承志三十年起居飲食無不躬親子捷春字天侯乾隆丁卯舉人籍閩縣孫甄陶傳在儒林

高鳳喈字文聲貢生兄弟相繼天諸姪幼妹適張亦寡鳳喈竭力撫慰之凡給棺施榿靡所不舉子世倬副貢生泰寧教諭

陳鳴瓊

榜姓許

字敬瞻乾隆丙辰舉入家貧好讀書工畫竹而於書法尤精

爲世所重琉球國人尤珍之兄毓瑀被誣繫獄鳴瓊鄉居離城四十里往

返問訊十二年乃得釋後選將樂教諭年七十四卒於官

魏洪德每飲食必思親所嗜雖非其時必多方求之母病請減年以延親壽季弟卒視姪如子有以急難告者輒典衣以應同里葛世臣母病躬滌廁踰且請以身代兄卒視嫂如母視姪猶子遇貧乏者至減食以濟之監生林高漢父病瘵侍奉二十五年不懈既葬置產以爲祭資乾隆十三年大水煮粥以食餓者告貸而無力償者焚其券又施藥以療疫病患者

謝人驥字大生乾隆甲子舉人事父孝父戒之曰勿以我故分爾心答曰讀書正以講明忠孝有親勿事奚讀書爲少多疾恐不逮事二親日仰天虔祝得偕諸昆奉親終天年死弗恨父卒服闋尋授清流教諭迎母至署未踰年母亦卒人驥經先後哀毀脾疾屢發急爲親營葬畢展拜慟哭曰吾事畢矣歸作而卒

葉宗岳字應五侍母疾兩載不離左右昆弟九人同居無閒言羣季筮仕而宗岳獨否曰不以三公易吾親一日之養也子夢雷孫光隆俱舉於鄉

閩侯縣志

八

孝義下

六

姜天榮事母三十載盡心色養居喪不茹葷待戚屬有恩誼又設家塾延師儒以課子姪錄格言以訓之

周秉禮字立巖諸生與魏瑛鄭超陳天文劉永樹爲梅社五友篤於兄弟待朋友亦然規友過必改而後已瑛字述臻一字耕藍乾隆甲午舉人署浙江衢州通判吉安知縣超字在謙乾隆己亥舉人天文字賢開閩縣人究心程朱之學絕意仕進父歿貧不能葬服闋猶衣衰數年友助之葬始易服嘉慶元年舉孝廉方正搢紳以天文應辭及卒私諡曰孝潔先生永樹字良珍一字蔭蒼長樂人乾隆己酉拔貢乙卯舉人以行誼端慤稱翁一桂字允樹一字漱泉籍福清乾隆甲午副舉人蚤孤家貧授徒以養母母病親侍湯藥晝夜扶掖憂悴骨立從兄弟貧而無依者撫育備至歿而無子者嗣以己子妹壻陳某遊幕廣東三十年斷音耗一桂迎妹於家又貸貲令甥往尋其父不自知其貧也後授徒於瑟江宗祠族戚子姪貧不能讀者招之來學不計修脯多所造就

梁宏海以字行弟茂字宏美海幼事繼母極得歡心繼產子六愛海逾己出茂繼長也精筐篋以從平臺匪林爽文功議叙州吏目未仕父歿哀毀逾禮家素貧海與茂并力經營竭誠奉母撫諸季均成立篤戚誼親串告貸者飲助不少靳積財置產與諸弟公析之無所私母年大耋卒時茂已棄世海年幾七旬晨夕泣慕甫終喪卒茂次子功字有敏又字則功號悅齋職員父歿哀毀逾恆兄卒撫其孤如子督使成立弟夢花嘉慶癸酉舉人資其學及應試計偕之費悉豫備戚屬侍舉火者常數家後夢花暴得重病功時在海壇覺心搖買舟急返夢花已卒功悲之逾年亦卒

薛朝標字信龍乾隆辛丑進士以母老未赴部銓母歿後援例授員外郎五十三年大學士福康安督閩浙開通河渠命朝標董其役數月而竣後巡撫汪志伊蒞閩修城垣亦以朝標董之時南臺港流淤塞居民多占地造屋致礙行舟父老議開鑿朝標先令清地界適已有廛數楹侵舊址召工匠毀之而後令居民自行折毀時又修萬安萬壽二橋兩役並興不形

閩侯縣志

八八

孝義下

七

竭蹶生平急人之急甚於己私戚屬某貧而寡遺孤甫二齡姑將奪其志朝標周卹十餘年克全其節先墓旁有某氏子欲遷其先十餘柩而鬻其地者贈以金使封其墓族戚有婚嫁喪葬不能舉者咸貲助之子嘉穎嘉慶丁卯舉人

鄭登道字從理幼孤母劉疾偕兩兄侍醫藥衣不解帶者百餘日疾瘳未幾復作時仲兄已故伯兄患未疾登道顛天求代逾年母亡斷水漿者累日諸兄均歿爲從子籌學業擇婚配飲食教誨逾於己子姊三長適許次適蔡三適李姊夫李早卒甥幼爲之經理身後拮据盡心許亦早寡資以衣食撫諸甥視從子數十年如一日歲祲米價湧貴斗六百文鄰里嗷嗷登道存穀僅三十餘右指困以濟且力勸族閒殷戶出穀全活甚衆徐尙聰字家生父振倫親目瞽動履需人能一一曲體俾忘其苦尙聰恪承父志事繼母以孝聞弟尙賓卒視諸姪如子督課之俾各成就親屬告貸無弗應乾隆乙卯歲祲出粟平糶

何修字思永邑諸生祖遺田宅悉讓諸兄弟與人交告以緩急無不應不能償者焚其券

陳楓陞年十一母病割肱以進母愈越數日楓陞創發痛不止恐以創潰貽母憂乃使詣醫醫視創大驚曰是自以刀割者也楓陞言曰我母病聞人言割股和羹可救故禱於竈神願割肱肉以活母引破斧就之鋒鈍且缺作數十割始落願爲我治之勿言也醫敷以藥遂愈楓陞雖盛暑不釋衣其母終不知也

連位三字郁初府學生父客江西不歸位三年十四欲往尋母不許至年十六質所居室得金六十辭母往中途賊掠貲去位三泣告其故賊義之還其半歷饒州南康至都昌渡口遇焉遂侍父歸父目失明位三以舌舐之兩載復明及父卒復喪婦位三教授於城南以養母顏其齋曰且耐居以子供婦職親滌厠媮妹旣嫁而卒迭遭四喪皆爲殯葬

謝清苓字謹修籍長樂篤於孝友讓財推產無所吝有叔乏嗣清苓敬事

閩侯縣志

八八

孝義下

八

如父嘗修學宮荆嵩山書院濬長樂文洽浦皆以身先同里監生陳文德字懋來亦捐資濬文洽浦又捐膏火以資里中子弟可造者

陳永奎父歿哀毀逾恆事母尤能得歡心掃遠宗失祭之墳爲同堂無後者立繼喪葬無資量力攸助在里社每勸人以爲善息爭

高騰號霽亭國學生候選知州幼孤家貧母吳氏現任井臼父所遺煥章綢肆虧折欲停止騰請於諸兄願佐店事生業漸有起色出權子母於陝楚間更鬻皮貨獲利家道日豐壯歲後諸兄相繼亡撫諸姪如己出材質略異者加意培植使讀書成名養母備至構園林於室之東徧以娛晚景母所御狐裘歲必一易或有言其太過者曰吾母半生辛苦年已遲暮能得幾時區區者奚靳耶騰樂善不倦親友籍以舉火者數十家敬節堂義倉諸創建皆捐貲助成福州洵饑集諸紳富爲粥以侍餓者又以餘力重建西禪長慶寺子鴻湘舉人官教諭能繼父志

陳桂芳字若理父道彩乾隆六十年饑發粟平糶盡則轉鬻以濟嘉慶庚

申桂芳舉武鄉試值元配鄭氏卒子幼繼聘嚴氏初不知其已字張姓也其友廉得其實以告桂芳謂其父母曰若女已字張某而復改字余以張某貧不能具禮也今卽以余所具之禮爲張某具何如因遣媒召張某至曰若勿苦以吾所卜吉期爲若娶鼓樂綵輿吾已爲若備矣并贈以貲復聘李氏舉七子

李春林字光文父病篤侍湯藥衣不解帶者數月父歿哀慕終身母老娛侍無閒頃刻夜偕婦黃氏省母寢室母未安寢不敢自就寢也兄副貢生春雷弟監生倬雲素友愛兄病春林顛天願以身代值鄉試不赴及卒撫孤兒如己出及析產推己所有多予之後弟歿無子命次子爲之嗣春林悲鬱成疾數月相繼逝

陳世祥生有至性父病風癱三年左右奉侍不離迨歿哀毀幾於滅性父歿事母尤謹母年登大耄世祥亦艾歲承顏娛志宛若嬰兒母疾顛天請代卒不起毀瘠如喪父時

閩侯縣志

八八

孝義下

九

王元鈞職員生四歲父歿母謝欲縊以殉元鈞襁褓中哀號家人奔救而止自是晨夕不離母側元鈞年十五棄舉子業身任家計而督弟孟程於學族有構難訐於官元鈞脫弟而躬受拘苦者百日及析產祖遺手置均分無私弟亡撫兩姪如己出有姊適鄭事之如兄姊卒壻家中落元鈞遺命猶囑子傳烈善待之

陳成服役諸生陳國勳家國勳緣事羈府獄家貧丁單老母何氏無所依成竭力經營賣薪以給資養活者七年國勳流山東妻常氏矢志奉姑未婚過門姑媳煢煢待成以舉火者又七年成始終無怨言國勳歸感其義待以伯仲禮爲改名玉盛旣歿設主祀之

張椿字維玉父歿家鮮遺產棄舉業經商撫弟妹婚嫁畢具母久患脾痛椿因究醫理調治藥必親嘗疾卒瘳性喜施與樂解紛爲人診病不索直親串稱貸者無不應赴愬者必勸使平

鄭敷榕幼知孝養父目眚侍奉不離越數載父失明服勞尤謹甥早失怙

恃撫之俾成家立業族戚有急無不量力周給勸弟姪以孝敬
林則亮父患腿癰膿腫痛極亮以口吮膿痛稍止屢痛屢吮數月不懈父
疽愈後轉成瘵亮服侍兩年衣不解帶晝夜籲禱願減算以益父壽父歿
氣絕尙接脣呵氣半辰許知不知號慟絕而復蘇居喪哀毀備至體素羸
以勤讀故夙患肺痿因而病不起卒年甫二十二歲

郭蔚字鄰九少補郡諸生有孝行舉優貢入成均卒于途

葉永魁字光元號梅谿業鹺賈嘉慶閒海疆不靖奉憲諭以鹽哨會舟師
緝私兼緝匪永魁艱險備嘗嘗帶船七楫在洋巡緝遇南上私艘數十成
羣見而不避且逼至衆咸懼將引退永魁曰彼衆我寡固足慮但彼船重
而我輕且烏合之衆部伍不齊不足畏也遂執令招哨排成一條鞭陣勢
力爭上流以礮爲號長驅直入斷其尾者十一船私梟由舢板逃生不及
者鳧水而走餘艘盡散永魁卽令返棹與衆言曰私梟較之洋匪罪當稍
從末減况窮寇不容追耶有陳茂務者本慣梟初獲釋之再獲再釋之人

閩侯縣志

八八

孝義下

十

皆莫明其故茂務亦不知所以然未幾又獲之乃謂之曰向也吾宥汝再
三以汝家有老母也今汝母亡矣將奈何又釋之自是不聞茂務再販私
矣連邑濱海之鄉有林蓮蓮吳開湖家赤貧慣賣私勸之至再怙惡不悛
獲於官問罪三年遇赦回家妻子流離來叩永魁曰早從勸諭無有今日
願改過矣永魁慮其復萌舊態於是月給錢作以盜捕盜計連邑私風稍
息惠安縣轄獺窟一帶有漁船名頭舢者南風當令時在本地方帶鹽數
百觔望北捕魚爲生所過課地永魁通諭各口掛驗放行不許留難時當
海洋紛擾水師營弁率多誣良昌功一日拘到此船九隻作匪船解辦總
帶官爲海壇鎮總兵孫大江將信之永魁爲之力剖得釋計舵水一百四
十四人免罹於法他如詔安龔姓商船小埕灣釣船被枉事皆力爲救免
子畊心道光甲辰舉人

方爲治家貧爲裋匠自給閩縣舉人何青芝故相善何歿貧而子幼爲斂
錢助葬舉其兩世之柩祔之躬其勞又數年爲治得疾至青芝家跪謂其

子曰吾老且死願兒習詩書爲端士毋辱先人此所以識也越日何子往視不能言矣

程維清字秋浦癸丑翰林改戶部主政與沈總督葆楨同爲林總督則徐甥及官京師又時時究心吏事惜早卒性孝友長兄維祺未艾乏嗣從母命以次子百燾事之維清幼出繼叔父不以事母委維祺而自迎養京邸姚桂字秋圃別字鈺友家貧入藩署習吏事藩司諗桂謹慎由書識擢充藩署西通典吏期滿留辦東西通者二十餘年自職官錢糧營伍祠祀製造修理支領採辦各事宜隨筆甄錄成書曰閩藩政要省會產穀不敷全賴上游臺灣各處接濟道光十二年米價翔貴藩司專札桂開廠平糶併委採買勸募桂悉力勸糶復募資赴臺買米三萬餘石十四年藩司鄭祖琛念積貯爲民命所關倡舉義倉札桂經理買穀桂招商販運買穀一萬四千石自捐水腳費五百餘千大府以疊次急公奏請以縣丞選用十六年冬米價復昂總督檄桂航海採購穀石又自買米穀數千石貴買賤賣

閩侯縣志

八八

孝義下

十一

以濟民食習熟工程省垣自鼓樓內至三牧坊河溝壅塞奉委開濬捐資歲事藩署不戒於火監督建造復委建糧道倉廩及義倉選補浙江餘杭縣丞代理餘杭縣事卒

陳寶星號敏軒邑諸生父景彪道光己亥科武舉人官延平水師銅山營守備得病危篤服藥罔效寶星年方十八割股投藥中服之疾竟漸愈程騰霄字吉甫邑庠生幼失怙以授徒養母母病篤羣醫束手騰霄割股煎藥醫之母病獲痊元配繼配皆陳氏亦以孝聞

林懋中號勉甫早失恃事繼母以孝聞甫冠襲父業遺親以逸獨任其勞有一姪少不羈逃於墨懋中四出尋訪知其在西禪寺亟馳至立促同歸爲之蓄髮擇配俾有後生平不以貧困輕人楊銘字右箴家貧好學懋中嘉其志以女妻之後成進士同治初粵匪將窺省垣鄉居籌辦鄉團不遺餘力好排難解紛遇有爭訟者必力爲勸止

李連惠字良術早喪父母有叔乏嗣貧甚無肯爲之繼連惠毅然曰豈可

使吾叔無後乎事之如所生及卒殯殮盡禮長兄客死於浙連惠不殫跋涉運柩回爲之營葬次兄失業連惠贍其家並撫幼姪至於成立家鄉野聚族而居族有婚嫁愆期逾時未葬者連惠皆肩其責至於周卹孤寡施濟貧乏不遺餘力族姪超林亦以孝友聞

盧思黎思致失怙時皆幼家極貧母林氏以筆墨女紅教養之稍長隨母以女工度日足不履塾經史皆通兄弟友愛雖授室時猶共被眠依母下床鄉里有鬪牆者皆引以爲鑒而化焉光緒甲申思黎老病淹床兩月思致衣不解帶親侍湯藥思黎不起思致和淚躬殯殮已撫棺大慟腹痛下泄色如潰膿醫至曰此腸斷也號咷聲微氣亦隨盡距兄之逝僅一日思黎子希孟以邑庠生保官思致子師孟守孟學孟宗孟均由洋務保官李祥麟字德 十三歲時父培翀公因辦鹺務虧累積憂成瘋疾祥麟傭書以養親又畧知繪事畫四小幀售於小市肆補壁得錢易薪米母周氏年老祥麟必代執爨每食以白米飯奉親自以蕃薯實碗底糝飯於面喜

閩侯縣志

八

孝義下

十一

臨顏魯公法帖字體端凝中年習騎射得千總投標於閩浙督麾下李秀成兵陷浙杭時閩督慶端移節駐浦城守杭垣者飛檄乞餉慶端以銀二萬兩護兵百餘人委祥麟由建寧大營解浙至仙霞嶺牒報賊至兵役均相顧失色欲遁以軍餉關係至鉅百計開譬繞山下小道潛行卒濟其事林秉慧字靜齋從事船政議敘巡檢縣丞用吾閩鄉愚多溺女歲以千計秉慧聯郡紳設局村落親諸勸導大府偶有捐欸則預爲久遠計於馬江新街築店十九所分賃居貨者永充鄉局經費計創立馬江營前尙幹諸局溺風旣稍革於敬節放生諸舉尤不遺餘力歲歉倡同輩籲請大府辦米平糶近年鼠疫暴起廣布救人方書子長欣榮舉人次喬椿自有傳唐穆愈垚沙鄉人弟穆增少三歲父彬孔道光間幕遊安徽晚年挈家居焉咸豐初穆愈十四歲隨父回閩掃墓母梁氏及弟仍寓皖未幾洪楊難作道梗斷音書者七年穆愈侍父教授鄉里以善書爲福州將軍繕奏摺而父已老病穆愈侍湯藥衣不解帶者三年已而父病歿南京失守乃焚

香告天往尋母弟艱難險阻二年餘始達安徽而穆增先已扶母避入山鄉或採薪以易米或射獵以代糧遇兵遇賊入險出險不知若干次寓處無從探問一日穆愈徬徨道左忽黑雲蔽天雷雨驟至仰望山上一寺遂投焉至則寺門緊閉聞寺中有人語操閩音穆愈叩門入乃母與弟也三人相抱而哭決計回閩穆愈擔簦穆增負母迤邐窮僻至江舟行數晝夜泊岸候潮穆增上山購糧舟中忽聞人聲如沸大呼賊至急渡江諸舟子皆解纜離岸穆增至不得渡躍身於水奮臂浮沉竟得近身攀高而上嗣途行復遇賊搜無所得覩穆增雄壯欲挾之同行穆愈泣求曰吾弟有力能負母回閩若此吾弟去是死吾母也願代吾弟去爲麾下司筆札賊將允之穆增曰吾兄出萬死一生尋得吾母相依爲命若取吾兄去必死吾母也母死吾何生爲三人放聲大哭賊中有一魁曰難兄難弟孝友人也取其一必死其二皆捨之且贈乾糧一囊而去梁氏久處亂離歸閩卧病十九年穆增娶卓氏事姑惟謹姑食而後食寢而後寢浣衣滌器事必躬

爲不欲人代病篤割腕和藥告天願以身代穆愈卒以穆增子和爲嗣弟兄有亂離吟草和字績庭邑庠生以醫名於廈門

林桂字長培號思九年十九母得暴疾卒桂以未親湯藥飲恨終身後父病晝夜侍奉及歿哀毀備至屏當喪紀家綦貧遂棄儒而吏精敏絕倫下筆數千言不易稿而就咸豐間髮逆擾上游以省防出力議叙六品吏員父歿弟方八歲供膏伙束脯之資及長短於才俾立室家並撫其子女總服兄歿數月家遭回祿迎寡嫂孤姪供養數年族故微從堂兄弟咸爲位置致素封者數家故人子婚嫁愆期典質以成其美嘗刻孝傳千字文四十八孝合編分送鄉塾善舉如義山給貧寒葬地採訪貞孝節烈嘗持殺戒蜃蛤雖微家食弗御

陳際熙字虞卿父連捷嘉慶丁卯武舉人際熙少讀書師事王景賢曾慶嵩累試不售棄舉子業經商以贍家暇仍以書史自課尙書廖鴻荃稱許之以爲小友事兩寡嫂至恭謹持躬儉約至親友婚姻喪葬之事稱力以

助無少愆有族人嘉益身後家赤貧遺孤二人際熙惻然曰非我撫之誰爲撫之因收養教導以至成立際熙年六十親族將稱觴以祝際熙舉顧炎武伯奇孤子始歎我辰之言却之不可則盡以所費調恤貧人時與家人聚談輒述父母舊事淚輒泫泫下子二念祖舉人傳附文苑秉瑩邑諸生

徐學永字碩園邑諸生父一鶚傳附文苑學永一生無他嗜好獨嗜結交知名士不避富貴而尤親貧賤有緩急傾囊與之絕不待其人啟口也福州多寒士得資助以騰達科名者甚衆溷跡鹽筴數十年歲入數百金給子女脫粟菜羹外盡以貽諸朋好俗子不得用其一錢自不工詩文遇佳詩文背誦不去口卒年八十妻甘氏與同志早卒

楊葆元字惕予光緒辛卯舉於鄉大挑二等署汀州永定縣學教諭旋科舉廢改縣丞歸原籍候補新制也葆元獨喜甚以爲母老可不遠離矣葆元有至性十八歲喪父哀毀骨立事母愈敬恭持身最險而養親則必豐腆一文不私妻子而老人必使囊有餘錢母年八十有六卒葆元亦已六十然哀毀殊甚或以不勝喪規之則淚泫泫下自此日瘦瘠服闋未兩月卒蓋實以毀傷生也

陳鳴鳳字言鼎號岐昌年十二卽能文下筆千餘言然試有司輒北家貧遂棄舉業而就小販未幾父母相繼歿殯殮之資無所出乃盡售家之什物得十餘金以治兩喪後以窀穸未安告貸得二十金乃克葬於墓側結一廬兄弟四人同居其中日則爲人司帳簿夜則就廬中共讀如是三年始還家作麥販生理是後家漸裕光緒某年麥帳被欠約千餘金其中有夫死而子幼者母病而家貧者鳴鳳憫焉盡出券焚之某鄉游某將賣幼女以償宿債其妻悲不忍捨出五十金代償之更與十金俾作小販本仲季兩弟早卒無子命次子騰芳三子韶芳分嗣之家中不畜婢媪不傭僮僕一門內外和輯鄉人貧乏者周之少年者教之婚喪不舉者助之構訟不已者釋之光緒二十二年地方官奏加六品銜

邵震中字開從早歲喪父事母孝與兄震東友愛里黨無間言家貧游幕博升斗以供甘旨一聞母病或兄疾千里外輒星夜返視平復乃出娶楊氏賦性賢淑事舅姑先意承志對夫兄尊禮有加震東中年喪偶依弟以終以弟之子繼馨爲嗣子二長繼馨次繼鋈以宰河南西華縣弟兄友愛如其父

王景荃字錦銓蓋晚近信義士也髫髻就傅記誦講貫冠其曹而家無中人產父朝興命弃而孝商業成受直供漕隨外錙銖積綮權子母手剏瓷業於邑之南台榻檠曰萬成母翁氏不逮養父壽至耄耄逍遙閭里恆有賓朋酒食之懽者數十寒暑娶盧氏舉丈夫子五女子子一蠹沒室勞俾景荃得壹意廢著轉物爰擴瓷鋪五曰通成協成宜成天成同成泊綿泉蘇廣雜貨各業並設絲織物巨肆於日本長崎榜曰福隆見者方羨其發擣有力孰知禍機有卽伏於此者初景荃自以年逾耆艾精爽就衰呼諸子而詔之曰吾半生辛苦汔可小康僅圖自活汝曹已免飢寒尙不決計

閩侯縣志

八

孝義下

十五

休業者誰無戚族誰無知交吾之多立商店蘄所用夥一人則飢寒尠一人抑已浸有餘益以濟人不足然操奇計贏吾實亂而思憩汝曹從我閱歷有素勉繼吾志而已未幾以籌措不及質劑期屆莫償調停者丐責償者減其算之若干議有成矣而君乃暴卒大男春榜於衣上夾袋檢得遺命畧云吾生平於他人財物絲毫不敢苟今以規畫太廣鞭長莫及累人虧損若覩然視息安見非出於有心吾惟有仰藥舍生聊明心迹然對人終呼負負矣汝曹當戮力再造獲利市卽補償未足之數以盖吾愆雪吾恥吾目乃瞑諸子號慟誓志之弗敢忘里鄙婦孺素蒙恤孤敬節度歲產糧施糶施衣施藥諸惠者皆登堂撫棺哭盡哀諸債東聞之皆相率來唁惋惜揮涕此清末宣統一年事也

春榜年十六卽從景荃學商時王家獨立商號如瓷紗綿泉蘇廣雜貨各業凡十餘處春榜鈎稽出入微密繁鉅復兼任家政善事庭闈友于群季長養子姪百爲萃於一身甫壯貿易於閩清永泰諸近縣又遠適贛之景

德鎮並設肆於日本長崎奔走經營且二十餘稔敝精神以治其生母盧氏嘗得痢疾浸以羸瘵輾轉床褥者十年春榜服勞至忘寢食歲己酉遭其父暴卒之變痛不欲生乃日夜苦心焦思教督諸子增祥增祺增禧增禎等努力恢復先業卒能前沈後揚於癸亥冬月籌足前日減價之數列單請福州總商會代按戶分還並於其父百齡家祭丐當代名流爲作家傳以表揚其父不忍負人之苦衷見者以爲語皆紀實云

陳永盛居湯關外之崎山鄉性公正閭里訁爭多就質曲直有母告子不孝者永盛勸勿訴諸官命子弟摔其子入社公廟曰此土神也一鄉崇祀不啻官長今吾旁坐代神宣言行罰可乎顧謂其母曰杖責耶抑且勸諭之耶母曰當重杖永盛令子弟行杖杖畢子號泣向母乞求寬言歸當改行母請貰其罪自是子孫皆感化敦睦無閒

陳慶交號善甫晚年更名大成父向榮以副貢生教授薦紳家慶交皆隨讀補邑諸生厲學使器其才科歲試均列高等然屢困場屋父多病慶交躬親湯藥夜不解帶父曾得癰疾慶交親自吮疽且刲股煎藥家素貧世

閩侯縣志

八八

孝義下

十七

以課徒爲業有贏餘輒分戚友之貧乏者著有藝林叢話經史正訛兩書

懷安附

宋

林優生平輕財樂施康定間浙西寇鄂隣倡亂從海門窺福州優與其子衍傾貲募民船出戰遂大捷而官軍掩爲己功優曰吾計保鄉井耳豈與卒伍爭哉衍曰吾父子出萬死擊賊功成見掩死當廟食矣仰天而逝優亦尋卒鄉人哀祠之朝賜廟額

陳顛左司守約之孫也棲遲養德樂推贏餘以周其宗人或有求輒濟之雖數不倦刲家塾列十二齋以義方誨子孫子七人孫二十八人曾孫六十五人玄孫一百三十人世多顯仕人皆以爲積善之慶云

林元宋季賊寇充斥城外皆爲賊壘元與子禮率鄉人保障後卒元大德間著靈異鄉人夢曰我當爲此鄉主鄉人廟祀之遇水旱疾疫悉求禱焉

明

廖誠字伯純天順壬午舉人授浙江温州府學訓導遷永嘉教諭時教授

閩侯縣志

八八

孝義下附

一

李慶訓導楊儀卒於官親爲殯殮且厚賻之永嘉尉某嘗貸白金未償卒憫其孤貧焚券不計改任禹城年五十五致仕平生篤於孝義治家嚴子雲騰雲翔以雲騰恩累贈奉直大夫刑部員外郎馬驄字良夫少年讀書別館有鄰婦奔之閉戶不納舊與羅源縣令遊令得罪瘐死寄囊千金期歲還其家年四十育一子僕抱持墜地而殞驄徐曰命也若亟遯不則家人將甘心矣後舉三子森官禮部尙書楷士行皆有文名楷之生也有斑在面如前子墜傷之狀云

林清字自源每歲除必袖金潛行里巷間有愁嘆怨泣者卽擲金門內不使其知年九十四無疾而終曾孫庭壘都諫庭彬州學正

黃恭諸生性至孝父得風疾恭每夕顛天及卒哀毀幾於滅性水漿不入口者旬日不御酒肉者三年後喪母如居父之喪提學副使周孟中聞而禮之

補遺

高均字惟一父旭江西提學僉事卒於官均聞訃慟絕既葬欲廬墓以母不可則朔望之墓哭甚哀及喪母合葬遂廬焉三年乃歸弘治中人穆漢字仕清號厚菴生平敦厚嚴密篤於親友殷於貲產歲歉必贍其貧有販者至其家無遠近厚菴必飯而禮之源之鄉眾屬焉遂獲與薦以清白輸義粟膺冠服之榮

謝開日康熙十四年耿藩籍民爲兵三丁抽一民亂僞曹李似桂到羅源嚴鞠坐開日倡亂及生員丁允昌王成大鄭兆弋皆擬斬將斬忽颶風大作拔木折屋衙署傾頽於是僅梟開日於市餘皆議減

葛煥字子章監生授州同以父老辭去早喪母竭力營墳撫羣從如己子延名師課讀先後成名又樂獎後進之單寒者甃黃泥嶺石路償將樂投水人官逋掩骼埋胔子大梁字允楓康熙辛卯舉人授新昌知縣捐修孝義碓漑田千餘畝次廷元乾隆辛酉舉人三經邦由貢生授泰寧教諭未

閩侯縣志

八八

孝義下

補遺

一

任卒大梁子光祖乾隆甲子舉人